



Universitätsbibliothek Paderborn

**Ven. Viri Thomæ Malleoli A Kempis, Canonici Regvlaris
Ordinis D. Avgvstini. Opera Omnia**

Thomas <von Kempen>

Dvací, 1625

De fideli & prudenti seruo. II.

[urn:nbn:de:hbz:466:1-45790](#)

§. 1. De instituto Martha, & cuiuslibet dispensatoris boni.

QVia nunc charissime officium suscepisti Marthæ, non debes bonū & sanctū ministerium acediosè peragere: sed fideliter propter Christū, qui omnia nobis administrat, & propter æternā salutem tuam, exercere. In quo de quibusdam necessarijs considerationibus admonendus es. Sic enim beatus Paulus dicit; *Hic autem queritur inter dispensatores, ut fidelis quis inueniatur.*

§. 2. De fidei & prudenti seruo.

VNde oportet eum esse fidelem, cui committitur ministerium tale: sed & prudentem nihilominus, ne videatur sæpius errare. Fidelem intellige in commissis, ne res negligat, ne male custodiat, & ne quicquam, quod vtilitati aut communitatii prodesse possit, per ipsum depravetur, sed magis pia cura emendetur. Prudentem verò in ipsis rebus, pro tempore & personis distribuendis. Vno tempore conuenit dare, quod alio tempore licet negare. Quibusdam vtile est & pium condescendere in petitionibus, quibusdam verò oportet te magis resistere. Quorundam etiam necessitates, charitatis officio preueniendæ sunt. Si ergo discreta agis, & necessitatem pensas in hominibus, prudentiam non abieciisti. Si compateris infirmis & miseris egenis, (quia te ipsum prius consideras, qualiter & alijs charitatem bene facias) charitatem induisti. Talem te cupio, videlicet fidelem in opere, & prudentem in consilio. An non talem seruum Dominus in Evangelio requirit? *Quis est, inquit, fidelis seruus & prudens, quem constituit dominus super familiam suam, ut det illis cibum in tempore?* Pro te est, si fidelis fueris: quamvis te minus prudentem estimare debeas, sicut Paulus dicit; *Nolite esse prudentes apud vosmetipos.* Et iterum; *Non alta sapientes, sed humilibus consentientiis.* Sic enim de seipsis sapientes, efficiuntur sapientiores.

§. 3. Recapitulatio de fidei seruo.

Quis est autem fidelis seruus, nisi qui non querit, que sua sunt, sed quæ Iesu Christi? vt quicquid agit, eius amore faciat, eius gloriam tantummodo desideret & expectet, atque ipsius magis quam suam voluntatem sequatur, & dicat; *Pater habet voluntas tua, non mea.* E duobus tamen seruis, fidelis potius est quam prudens eligendus, atque instituendus ad negotia. Siquidem fidelis seruo nihil charius in domo, & amico fidei, nulla ponderatio est, maximè in consilio. Sed quid aliquem tam fiduciem & ynnanimentem

*Lucas 21.
Fidelis seruus prudenter prestat.*